



BELEID: TOELATINGS

Aangesien Laerskool Hendrik Louw (hierna “die Skool”) ‘n openbare skool is met regs persoonlikheid ingevolge die bepalings van Artikel 15 van die Suid-Afrikaanse Skolewet, Nr. 84 van 1996 (soos gewysig) hierna “die Skolewet” waarvan die beheer aan sy skoolbeheerliggaam, hierna “SBL, soos in Artikel 16 van die Skolewet vervat, toevertrou is;

Aangesien die SBL ingevolge artikel 5 van die Skolewet by magte is om onderhewig aan die bepalings van die Skolewet en enige toepaslike Provinsiale Wet, die Skool se beleid rakende toelating van leerders tot die Skool en grade by die Skool te bepaal;

Aangesien die SBL met betrekking tot die kwessie van leerdertoelating tot die Skool of verskillende grade by die skool op die volgende wetgewing (hierna “die wetgewing”) let:

1. Die Grondwet van die Republiek van Suid-Afrika vervat in Wet Nr. 108 van 1996 (hierna “die Grondwet”);
2. Artikel 3(4)(i) en 5 van die Wet op Nasionale Onderwys-beleid, Nr. 27 van 1996 (“NEPA”);
3. Die Toelatingsbeleid vir Gewone Openbare Skole, deur die Minister van Onderwys in Staatskoerant Nr. 19377 van 19 Oktober 1998 (Kennisgewing Nr. 2432/98) (hierna “ministeriële beleid”) gepubliseer; die Suid-Afrikaanse Skolewet, Wet 84 van 1996 (soos gewysig) (hierna “die Skolewet”); en die Gewysigde Wet op Onderwyswette, no 50 van 2002;
4. Norme en standaarde vir Taalbeleid in Openbare Skole (Gov. Koerant 18546, Des.97).
5. Die Suid-Afrikaanse Skolewet 84, 1996 en daaropvolgende wysigings;
6. Die regulasies m.b.t. die vrystelling van die betaling van skoolgeld (Staatskoerant 29311 van 10 Okt 2006) – SASW;
7. Wes-Kaapse Provinsiale Skoolwet, 1997, (Wet 12 van 1997)

8. die regulasies van die Inligtingswet 2000 (Wet 2 van 2000)
9. Bevordering van Toegang tot die Inligtingswet, 2000 (Wet 2 van 2000)
10. Bevordering van die Administratiewe Jurisdiksiewet, 2000 (Wet 3 van 2000)

Aangesien die Skool en sy SBL die betrokke bepalings van die wetgewing raadpleeg in soverre dit vir hulle geld en bindend is en voorrang geniet bo die mag van die SBL om die Skool se toelatingsbeleid te bepaal, en terselfdertyd vasbeslote is om die volle toepassing van die Skool se toelatingsbeleid binne die perke van die wetgewing en van tyd tot tyd enige ander toepaslike wetgewing, te verseker.

Daarom verklaar die SBL namens die Skool nou die Skool se Beleid vir die Toelating van Leerders tot die Skool of verskillende Grade by die Skool soos volg:

1. AANSOEKE OM TOELATING TOT DIE SKOOL

1.1 Daar word erken dat –

Dit word erken dat –

(a) die aansoeke vir graad R-7 vir die volgende jaar sal elke jaar open wanneer dit deur die Onderwysdepartement (hierna die DvO) aangekondig word. Aansoeke moet binne die vasgestelde tydsraamwerk gedoen word, soos deur die DOE bepaal. Aansoeke moet aanlyn by die DOE gedoen word en bewys van bogenoemde aanlyn aansoek moet by die skool ingedien word binne die korrekte tydsraamwerk soos gestipuleer. (b) die DH/die DH-gedelegeerde(s) 'n registrasieproses vir toelating tot openbare skole moet bepaal sodat leerdertoelating op 'n tydig en doeltreffende wyse plaasvind.

1.2 die Departementshoof (onderwys) (hierna DH), en/of beampte(s) aangewys deur die DvO, sal verantwoordelik wees vir die administrasie rakende leerdertoelating tot die Skool en dat

1.3 Die Departementshoof of gedelegeerde(s) moet 'n proses van registrasie vir toelating tot openbare skole bepaal ten einde die toelating van leerders in staat te stel om betyds en doeltreffend te geskied..

1.4 Die skool en die SBL sal van die DH/die DH-gedelegeerde(s) / die Prinsipaal verwag om te verseker dat aansoekers van die

volgende in kennis gestel word en ook skriftelik bevestig dat hulle dit gelees het en begryp:

- (a) die SBL-grondwet;
- (b) die Skool se taalbeleid;
- (c) die Gedragskode vir Leerders;
- (d) hierdie toelatingsbeleid; en
- (e) die skool se skoolfondsbeleid

- 1.5 Die Skool en die SBL onderskryf die siening dat ingevolge die reg en by gebrek aan 'n hofbevel tot die teendeel, die wettige Ouer(s)/voog(de) van 'n minderjarige leerder die uitsluitlike reg het om te besluit by watter skool hulle kind/pleegkind ingeskryf word. Gevolglik aanvaar die Skool en SBL geen aansoek tensy dit ingedien word deur die biologiese of aanneem-ouer of wettige voog van, of die persoon/persone met wettige aanspraak op sorg vir die minderjarige leerder, of 'n persoon/persone wat onderneem om die verpligtinge van 'n persoon hierbo genoem ten opsigte van die leerder se opvoeding op skool na te kom. Voorts beskou die Skool en die SBL nougesette nakoming van hierdie benadering as noodsaaklik aangesien dit verseker dat geldige toestemming verleen word vir die behandeling van die leerder in loco parentis, vir die leerder se deelname aan uitstappies, ensovoorts. Gevolglik word daar van die DH/die DH-gedelegerde(s) / die Prinsipaal verwag om te verseker dat hierdie benadering streng nagekom word.
- 1.6 Die SBL onderneem om die DH/die DH-gedelegerde(s) / die Prinsipaal in pogings te ondersteun om die persone waarna daar in paragraaf 1.5 hierbo verwys word aan te moedig om voor die einde van die jaar wat die volgende skooljaar voorafgaan, binne die tyd en aansoekraamwerk soos deur die Departement van Onderwys bepaal, om die toelating van hul kinders/pleegkinders aansoek te doen.
- 1.7 Onderhewig aan hierdie beleid vereis die SBL dat die DH/die DH-gedelegerde(s) / die Prinsipaal leerdertoeegang tot openbare skole, waaronder dié Skool, in oorleg met die Skool koördineer, en onderneem die SBL om opbouende ondersteuning te verleen ten einde te verseker dat alle geskikte leerders toepaslik toelating ontvang.
- 1.8 Waar 'n leerder/voornemende leerder twee jaar of meer bo die normale, wetlik voorgeskrewe ouderdom is vir die graad waarin hy/sy is, of vir die graad waartoe toelating namens hom/haar gevra word, moet die Skoolhoof konsulteer met die SBL oor die vraag of die leerder tot 'n toepaslike graad in die Skool toegelaat moet word, of toegelaat moet word tot 'n oorbruggingsprogram/snelbaanfasiliteit, met 'n versnelde program wat aan die Distrikdirekteur van die Provinsiale

Onderwysdepartement verskaf word, voordat besluit word watter stappe om te neem in die omstandighede. 'n Finale besluit sal geneem word.

- 1.9 As 'n voorvereiste vir enige besluit rakende die toelating van 'n leerder tot die Skool, vereis die Skool en die SBL dat die DH/die DH-gedelegeerde(s) / die Prinsipaal die volgende bepaling van die Grondwet streng nakom –

“28 (2) – ‘n Kind se beste belang is van deurslaggewende belang in elke aangeleentheid wat die kind raak”.

- 1.10 Die beginsel van *‘leerderbywoning van die naaste skool’* soos in die Skolewet omskryf, geld waar leerders/ouers nader aan 'n ander geskikte skool om toelating aansoek doen. Die oordeel van die Prinsipaal van die logistieke rondom getalle, infrastruktuur en kostes is hier van kernbelang as oorweging aan so 'n leerder gegee word insake toelating.

2. DIE SKOOL SE GEDRAGSKODE VIR LEERDERS (INSLUITEND DRAGKODE)

Hoewel aansoekers se weiering om die Skool se Gedragskode vir Leerders (insluitend dragkode) te onderskryf nie die toelating van die leerder tot die Skool kan verhoed nie, sal die kode nietemin bindend wees vir die leerder. Artikel 8(4) van die Skolewet bepaal soos volg:

'Geen bepaling van hierdie Wet stel 'n leerder vry van die verpligting om die gedragskode van die skool wat deur sodanige leerder bygewoon word, na te kom nie.'

Aansoekers word aangemoedig om die Skool te ondersteun deur hulleself van die Skool se Gedragskode vir Leerders te vergewis en die nakoming daarna deur leerders te verseker.

3. SKOOLGELD

- 3.1 Ouers (soos in Artikel 1 van die Skolewet omskryf) se versuim, weiering of onvermoë om skoolgeld te betaal, kan nie die toelating van leerders tot die skool verhoed nie. Neem egter kennis van par. 3.6 van hierdie beleid.

- 3.2 Ingevolge artikel 38-41 van die Skolewet, moet 'n begrotingsvergadering van die ouers van ingeskrewe leerders by die Skool na dertig (30) dae kennisgewing aan ouers geskied. By hierdie vergadering besluit die meerderheid van die ouers teenwoordig op die aanvaarding

al dan nie van die begroting wat vir die volgende boekjaar deur die SBL voorberei is. By dieselfde vergadering kan die meerderheid van stemgeregtigde ouers teenwoordig besluit dat die betaling van skoolgeld verpligtend moet wees, wat die skoolgeldbedrag per leerder per jaar sal wees, en watter maatstawwe sal geld vir algehele of gedeeltelike vrystelling aan ouers wat nie die volle verpligte bedrag of 'n gedeelte daarvan kan betaal nie. Ouers wat nie daartoe in staat is om enige gedeelte van die bedrag of die volle bedrag te betaal nie, is daarop geregtig om op die voorgeskrewe vorms by die SBL om algehele of gedeeltelike vrystelling van die betaling van skoolgeld aansoek te doen. Sodanige aansoeke moet vertroulik deur die SBL hanteer word. Die SBL sal billik optree en bogenoemde maatstawwe asook die bepalinge van die ministeriële beleid en die Regulasies vir die Vrystelling van Ouers van die Betaling van Skoolgeld in Openbare Skole (Goewermentskennisgewing R1052) toepas. 'n Afskrif van laasgenoemde sal op versoek aan ouers beskikbaar gestel word. Ouers wat om vrystelling aansoek doen, kan 'n opvoeder by die Skool of enige ander persoon vir bystand met die aansoek nader. 'n Ouer/ouers wat deur die SBL se besluit verontreg voel, kan ingevolge die prosedure wat in genoemde regulasies uiteengesit word, by die DH appelleer.

- 3.3 Aansoekers om vrystelling moet egter daarop let dat die gekombineerde jaarlikse inkomste van ouers in berekening gebring word in die besluit of die ouers vir vrystelling in aanmerking kom al dan nie. "Gekombineerde jaarlikse bruto inkomste van ouers" word in Regulasie 1 van voorgenoemde regulasies omskryf as –

'die saamgestelde bruto inkomste van al die ouers van 'n leerder soos in die Wet omskryf...'.

- 3.4 Die aansoeker se aandag word voorts op die volgende bepaling van die Skolewet gevestig -

(Artikel 41) – 'Die Beheerliggaam van 'n openbare skool kan die betaling van skoolgelde deur ouers wat daarvoor aanspreeklik is...., deur regsproses afdwing.'

- 3.5 Ouers van leerders word aangemoedig om die hoë onderrigstandaard en die goeie skoolfasiliteite en – omgewing in stand te hou deur skoolgeld te betaal en, waar hulle algehele of gedeeltelike vrystelling van die betaling van verpligte skoolgeld ontvang, hulle dienste tot voordeel van die Skool aan die SBL beskikbaar te stel.

4. VEREISTE DOKUMENTE VIR TOELATING

'n Ouer moet 'n aansoekvorm om toelating voltooi, welke vorm die prinsipaal aan hom/haar moet beskikbaar stel.

Tesame met die aansoekvorm moet die ouer 'n amptelike geboortesertifikaat van die leerder aan die prinsipaal toon. Indien die ouer nie 'n geboortesertifikaat kan toon nie, kan die leerder voorwaardelik toegelaat word totdat 'n afskrif van die sertifikaat van die streekskantoor van die Departement van Binnelandse Sake verkry is. Die prinsipaal moet die ouers inlig dat dit 'n misdryf is om 'n valse verklaring oor die ouderdom van die leerder te maak. Die ouer moet verseker dat die toelating van die leerder binne drie maande ná die voorwaardelike toelating afgehandel word.

By aansoek om toelating moet die ouer bewys lewer dat die leerder teen die volgende siektes ingeënt is: polio, masels, tuberkulose, witseerkeel, klem-in-die-kaak en hepatitis B.

Wanneer 'n leerder van een openbare skool na 'n ander verskuif, moet die prinsipaal 'n oorplasingskaart voltooi en dit hetsy aan die ouer oorhandig of na die ander skool aanstuur.

Sien aanhangsel A by hierdie beleid vir 'n volledige lys van vereiste dokumente vir toelating.

5. LEERDEROUDERDOMSVEREISTES VIR TOELATING TOT DIE SKOOL OF VERSKILLENDE GRADE VAN DIE SKOOL

'n Leerder wat met meer as twee jaar buite die ouderdomsnorm val, sal nie vir toelating oorweeg word nie. Die ouderdomsnorm is die graad plus 6 jaar.

6. TYDPERK VIR REGISTRASIE

- 6.1 Aansoek om toelating begin en sluit soos deur die WKOD en/of Minister van Onderwys bepaal word van tyd tot tyd met betrekking tot die inskrywing van leerders vir die volgende jaar.
- 6.2 Ouers wat dus hulle kinders die eerste keer by die Skool wil inskryf, moet die leerder by die Skool registreer in die jaar voor die skooljaar waarop die leerder se aansoek om toelating betrekking het.
- 6.3 Alle aansoeke om toelating tot die skool namens 'n leerder word by die prinsipaal ingedien.

- 6.4 Die ouers van die leerder sal binne 'n redelike tydperk, of binne die tydperk wat die DH bepaal, skriftelik van die aanvaarding of afwysing van hulle aansoek in kennis gestel word.
- 6.5 Alle onsuksesvolle aansoekers sal dan eerstens in volgorde van voorkeur soos deur hierdie beleid en dan tweedens in chronologiese orde op die waglys geplaas word en aangeraai word om by ander skole buiten die Skool aansoek te doen.
- 6.6 Die Skool sal 'n behoorlike register van alle aansoeke om toelating byhou.

7. APPÈLPROSEDURE

Indien 'n ouer ontevrede is met die Skool se besluit om nié 'n leerder tot die Skool toe te laat nie, kan sodanige ouer ingevolge artikel 5(9) van die Skolewet by die Lid van die Uitvoerende Raad teen die besluit appelleer.

8. KAPASITEIT

Die SBL het die Skool se maksimum kapasiteit vir leerdertoelating soos volg bepaal:

Totale getal leerders in Skool = 1220

Per klas: Graad R = 25

Graad 1-7 = 32

Per graad: Graad R = 100

Graad 1 = 160

Graad 2 = 160

Graad 3 = 160

Graad 4 = 160

Graad 5 = 160

Graad 6 = 160

Graad 7 = 160

Die volgende faktore is by die bepaling van die Skool se kapasiteit in ag geneem:

- Dat die leerder se belange voorkeur geniet
- Die aantal beskikbare opvoeders
- Die beskikbare ruimte vir administratiewe behoeftes
- Die beskikbare aantal geskikte klaskamers
- Die behoefte aan ruimte vir sport-, kultuur- en ontspanningsaktiwiteite
- Die beskikbare ruimte in die bestaande media- en rekenaarsentrums, wetenskap- en tegnologielaboratoriums en die skoolsaal
- Die beskikbare sanitêre geriewe
- Parkeergeriewe

- Veiligheidsmaatreëls
- Die maksimum toelaatbare getal leerders per klas
- Internasionaal erkende beste praktyk met betrekking tot klasgroottes ten einde doelmatige en doeltreffende onderrig van gehalte te lewer

Sien aanhangsel C met betrekking tot kapasiteitsbepaling.

9. SKOOLEIENDOM

Aansoekers se aandag word op die volgende gevestig:

- (1) Elke leerder by 'n openbare skool sal goed omsien na die eiendom van die skool wat tot sy/haar beskikking gestel word, en sal dit voor of op die datum wat deur enige opvoeder by die skool aangedui word, aan die skool terugbesorg.
- (2) Die ouers van 'n leerder by 'n openbare skool sal aanspreeklik wees vir enige skade aan of verlies van skoleiendom waarvoor die betrokke leerder op sy/haar beurt teenoor die Skool aanspreeklik is.
- (3) Dit is elke ouer se plig om die Staat en die Beheerliggaam van 'n skool in die bevordering van 'n kultuur van respek vir skoleiendom by te staan.

10. RISIKO VAN SKADE OF VERLIES

Aansoekers word daarop gewys dat die Skool geen aanspreeklikheid aanvaar vir skade aan, die vernietiging of verlies (diefstal) van enige eiendom wat deur die leerder of sy/haar ouer(s) op die Skoolperseel gebring word nie, ongeag wie sodanige skade, vernietiging of verlies veroorsaak, hoe dit versoorsoak word, of dit deur iemand se optrede of versuim veroorsaak word, enof dit opsetlik of weens nalatigheid veroorsaak word. Die Skool aanvaar geen aanspreeklikheid nie. Leerders word aangemoedig om na enige eiendom wat op die Skoolperseel gebring word om te sien, en aansoekers en ouers van leerders word aangemoedig om self die nodige versekering teen sodanige skade, vernietiging of verlies uit te neem.

11. VOLGORDE VAN VOORKEUR MET BETREKKING TOT TOELATINGSAAANSOEKE

- 11.1 Tensy en totdat die DH in oorleg met die SBL anders besluit, is die natuurlike voedingsgebied van die Skool die STRAND.
- 11.2 Die Skool is tans 'n Dubbelmedium-instelling en beskik dus oor menslike hulpbronne wat hoofsaaklik voorsiening maak vir daardie leerders wie se moedertaal of gekose onderrigtaal die onderrig taal van die Skool is. Die Skool maak voorsiening vir drie(3) Afrikaanse- en twee(2) Engelse mediumklasse per grad (Graad 1-7).
In Graad R maak die skool voorsiening vir twee (2) Engelse en drie (3) Afrikaanse klasse.
- 11.3 Aangesien die Skool en die SBL weet dat hulle nie onregverdig teen 'n leerder mag diskrimineer namens wie 'n toelatingsaansoek ingedien word nie, en dus geensins voornemens is om te diskrimineer nie, en hoewel hulle graag hulle deel tot leerderonderrig in vennootskap met die Staat wil bydra, begryp hulle dat die Skool nie alle leerders kan inneem nie en dat een of ander vorm van (billike) diskriminasie rakende leerdertoelating onvermydelik is. Daarom en in die lig van voorgenoemde, is dit die Skool se beleid dat aansoeke in die volgende volgorde van voorkeur hanteer word -
- (a) Eerstens, aansoeke namens leerders wat *bona fide* (werklik) saam met hulle ouers (soos in die Skolewet omskryf) binne die natuurlike voedingsgebied van die Skool woon, en wie se moedertaal die onderrigtaal van die Skool is.
 - (b) Tweedens, aansoeke namens leerders wat *bona fide* (werklik) saam met hulle ouers (soos in die Skolewet omskryf) binne die natuurlike voedingsgebied van die Skool woon, en wie se gekose onderrigtaal (welke keuse deur die ouer(s) op die toelatingsaansoek aangedui word) die onderrigtaal van die Skool is.
 - (c) Derdens, aansoeke namens leerders wie se ouer(s) werklik by 'n adres binne die natuurlike voedingsgebied van die Skool in diens is, en wie se moedertaal die onderrigtaal van die Skool is.
 - (d) Vierdens, aansoeke namens leerders wie se ouer(s) werklik by 'n adres binne die natuurlike voedingsgebied van die Skool in diens is, en wie se

gekose onderrigtaal (welke keuse deur die ouer(s) op die toelatingsaansoek aangedui word) die onderrigtaal van die Skool is.

- (e) Vyfdens, aansoeke namens leerders wat buite die natuurlike voedingsgebied van die Skool woon, wie se moedertaal die onderrigtaal van die Skool is, en wat 'n vak/vakke wil neem wat deur die Skool en nie deur 'n ander skool nader aan die leerder se woonplek aangebied word nie.
- (f) Sesdens, aansoeke namens leerders wat buite die natuurlike voedingsgebied van die Skool woon, wie se gekose onderrigtaal (welke keuse deur die ouer(s) op die aansoekvorm aangedui word) die onderrigtaal van die Skool is, en wat graag 'n vak/vakke wil neem wat deur die Skool en nie deur 'n ander skool nader aan die leerder se woonplek aangebied word nie.
- (g) Laastens, aansoeke namens leerders wat buite die natuurlike voedingsgebied van die Skool woon en wie se moedertaal of gekose onderrigtaal die onderrigtaal van die Skool is, op 'n eerste-kom, eerste-keuse-grondslag.

Nieteenstaande voorgenoemde behou die SBL die reg om oorheersende voorkeur te gee aan broers of susters van leerders wat reeds by die Skool ingeskryf is.

11.4 Leerders wat in graad R is, het outomatiese toelating tot graad 1 / in die jaar daarna.

11.5 Graad R se toelatingsouderdom is 5 jaar en word 6 jaar in die jaar van toelating.

11.6 Toelating kan nie gefinaliseer word indien die nodige aansoek nie aanlyn voltooi is en bewyse daarvan by die skool ingedien is nie. Onvolledige aansoeke word nie verwerk voordat dit volledig en feitelik korrek voltooi is nie.

12. VEREISTES

Buiten waar die bepalings daarvan nie in die beste belang van 'n leerder of ander leerders is nie, sal die SBL en die Skool die ministeriële beleid raadpleeg.

Sien Aanhangsel B

13. TOELATING VAN PERSONE SONDER SUID- AFRIKAANSE BURGERSKAP

Aansoeke om toelating van persone sonder Suid-Afrikaanse burgerskap sal hanteer word ooreenkomstig paragrawe 19-21 van die ministeriële beleid.

14. DIE SBL EN DIE LEERDERS VAN DIE SKOOL

14.1 Daar sal van alle leerders verwag word om hulle pligte na te kom. Leerders is voorts daarop geregtig om hulle regte uit te oefen en op die handhawing van hulle regte aan te dring.

14.2 Die SBL beskou homself gebonde tot die beskerming van die opvoeders, leerders, ouers en nie-opvoeders van die Skool teen liggaamlike of geestelike geweld in soverre die SBL by magte is daartoe, en voorts tot die koestering van die liggaamlike, geestelike en morele welsyn van leerders, opvoeders en nie-opvoeders. Vir hierdie doeleindes -

- (a) behou die SBL die reg voor om die dissiplinêre en gedragsrekord van enige voornemende leerder by die Skool of `n vorige skool te bestudeer, en alle stappe binne sy mag te doen om die toelating van 'n leerder te verhoed wie se gedrag juis daardie beste belange kan bedreig wat die SBL belangrik ag om te beskerm;
- (b) mag die SBL die DH om inligting vra en met hom/haar in geding tree oor die wysheid van die toelating van 'n leerder tot enige graad by die Skool wanneer sodanige leerder ernstig benadeel sal word deur sy/haar onvermoë om op die vereiste vlak vir behoorlike onderrig in daardie graad te kommunikeer of mee gekommunikeer te word;
- (c) mag die SBL, gegewe die hulpbronne en omstandighede van die Skool, enige redelik uitvoerbare stappe doen om 'n gestremde voornemende leerder in die Skool te laat aanpas; en

- (d) verwag die SBL dat personeellede, leerders of ouers enige saak by hom sal aanmeld met betrekking tot die misbruik van regte of inbraak op die belange wat die SBL juis wil beskerm.

15. DIE OUERS EN DIE SKOOL/SBL

- 15.1 Ouers van leerders word versoek om die voorgeskrewe toestemmingsvorm in te vul ten einde die Skoolpersoneel daartoe in staat te stel om in noodgevalle in die beste belang van die leerder op te tree of die leerder se pyn of ongemak te verlig totdat die ouer(s) kan ingryp.
- 15.2 Buiten hulle pligte, het ouers van leerders by die Skool ook verskeie regte. Ouers het onder andere die reg om geraadpleeg te word rakende die formulering van die Skool se taal- en godsdienstebeleid en gedragskode, of enige wysigings daaraan. Hulle word ook genooi om aanbevelings en voorstelle rakende die aanvulling of wysiging van bestaande beleid of die bestaande gedragskode ter oorweging by die SBL in te dien.
- 15.3 Ouers word aangemoedig om by al die werksaamhede van die Skool betrokke te raak, aan te bied om lede te word van die beheerstrukture en ondersteuningsgroepe wat die belange van die Skoolgemeenskap dien, en die onderrigproses te ondersteun deur opbouend met opvoeders om te gaan en te verseker dat leerders opgelegde take en huiswerk pligsgetrou en nougeset doen. Daar word voorts van ouers verwag om te verseker dat hulle kinders behoorlik toegerus is om ten volle aan die onderrigproses deel te neem en dat hulle skool stip op tyd en gereeld bywoon.

16. GRAADHERHALING

Die herhaling van grade het selde 'n beduidende toename in die leerder se bekwaamheid tot gevolg. Trouens, dit het dikwels die teenoorgestelde uitwerking. Die norm vir herhaling is een jaar per skoolfase, waar nodig. 'n Leerder sal nie toegelaat word om 'n graad meer as een keer te herhaal nie.

- 17. Hierdie beleid mag van tyd tot tyd deur die SBL gewysig, aangevul, verander of aangepas word.**

Aanhangsel A

Vereiste inligting vir beheerliggaamdoeleindes bo en behalwe die besonderhede wat ingevolge ministeriële beleid, provinsiale beleid of wette verstrek moet word:

1. Die naam, woonadres, werkadres en alle telefoon-, faks- of e-posbesonderhede van elke persoon wat onder die omskrywing van “ouer” in die Skolewet val
2. 'n Gewaarmerkte afskrif van enige hofbevel of enige testamentêre geskrif wat voogskap of wettige aanspraak op sorg, of enige soortgelyke reg van die persoon (“ouer”) wat daarop aanspraak maak, bevestig
3. 'n Beëdigde verklaring, werkgewersertifikaat, elektrisiteitsrekening of enige ander bewys wat redelikerwys deur die SBL vereis mag word om 'n leerder en sy/haar “ouers” se woonplek, of die feit en plek van indiensneming van die leerder se “ouers” te verifieer
4. 'n Afskrif van 'n identiteit- of ander dokument wat die identiteit van elke persoon wat onder die omskrywing van “ouer” in die Skolewet val, tot die redelike bevrediging van die SBL bevestig
5. Skriftelike magtiging deur die ouer(s)/voog(de)/persoon na wie in punt 2 verwys word, aan enige persoon om hom/haar/hulle in die aansoek om toelating van die leerder tot die Skool of in enige ander aangeleentheid met betrekking tot die leerder te verteenwoordig
6. Die onderrigtaal wat namens die voornemende leerder gekies word

7. Besonderhede van enige aanmeldbare siekte waaraan die leerder (moontlik) ly
8. Besonderhede van enige ernstige oortreding waaraan die leerder deur 'n hof of enige skool waar die leerder voorheen ingeskryf was, skuldig bevind is
9. 'n Voltooide gedragstifikaat van die skool waar die leerder tans ingeskryf is
10. Besonderhede van enige toestand van die leerder wat die liggaamlike welsyn van enige ander leerder of personeelid van die Skool kan raak
11. Besonderhede van enige bepaalde behoeftes wat die leerder mag hê en wat mag aandag verg om die leerder se skoolervaring te maksimaliseer of sy/haar beste belange te bevorder
12. Besonderhede van enige toestand of omstandighede waarvan die Skool bewus behoort te wees ten einde die beste belange van die leerder en/of enige ander leerders van die Skool te beskerm
13. Enige bepaalde vakke wat die leerder graag wil studeer en wat nie deur 'n skool nader aan die leerder se woonplek aangebied word nie
14. Aansoekers moet onderneem om die Skool se waardegedrewe karakter en grondslag te respekteer;
15. Aansoekers moet onderneem om skoolreëls na te kom, om eerbied te betoon vir die beginsels en hulle te onderwerp aan die tugmaatreëls soos dit tans geld en die aanvaarding van skoolgesag;
16. Die ouers sowel as die leerders moet onderneem om die Skool se doelstellings te eerbiedig;
17. Ouers onderneem om skoolfonds te betaal soos deur die SBL bepaal.
18. Indien daar 2 of meer leerders betrokke is in 'n gesin en volgens klasgrootte nie genoegsame plek is vir almal in die gesin nie, is die skool onder geen verpligting om almal te aanvaar nie.

Aanhangsel B

1. Beheerliggaambepalings, bo en behalwe die ingevolge Ministeriële-, Provinsiale beleid of relevante wette:
 - 1.1. Aansoekers moet behoorlike beheer oor die akademiese inhoud van die vorige graad hê. Die Prinsipaal kan na goeddunke enige toets hiervoor versoek en daarvolgens 'n beslissing maak;
 - 1.2. Aansoekers mag geen rekord van wangedrag of skorsing by ander skole hê nie;
 - 1.3. Aansoekers mag geen rekord hê van politieke aktivisme wat skoolwerkzaamhede ontwrig het nie;
 - 1.4. Ouers moet toesien dat vervoer nie 'n probleem is ten opsigte van skoolbywoning en die ondersteuning van buitemuurse bedrywighede nie;
 - 1.5. Die voorgeskrewe riglyne ten opsigte van skooldrag soos dit tans geld en deur die Beheerliggaam vasgelê is, moet gehandhaaf word;
 - 1.6. Leerders wat na oordeel van die Prinsipaal en die Beheerliggaam aan enige georganiseerde wegbly-aksie deelneem, of enige vorm van intimidasie beoefen, verbeur hul toelatingsvoorreg aan Laerskool Hendrik Louw.

Aanhangsel C

BELEID: LEERDERTAL

(fisiese kapasiteitsbepaling)

DOKUMENTE GEBRUIK/GERAADPLEEG

- Die Grondwet van die Republiek van Suid-Afrika 1996;
- Die Suid-Afrikaanse Skolewet, Nr. 84 van 1996
- Die Wet op Beroepsveiligheid en -gesondheid, Nr. 85 van 1993
- Regulasies insake minimum eenvormige norme en standarde vir infrastruktuur van openbare skole (uitgevaardig kragtens GK R920 in GK 37081 van 29 November 2013);
- SANS 10400 : 2010 – bouregulasies;
- Kurrikulumverklarings en ander verspreide beleidsdokumente (soos die Nasionale Kurrikulumverklarings Graad 10–12: Gasvryheidstudies, Januarie 2008)

DOEL

Om vir elke leerder in die skool 'n ideale leeromgewing vir maksimum leer te skep. Dít word gedoen deur fasiliteite ten beste te benut met die oog op suksesvolle kennisoordrag en 'n positiewe leerervaring.

Die inklusiewe en multi-kulturele aard van die skool bemoeilik die beheer van leerders in die klas en die gepaardgaande verskaffing van gehalte onderwys. In die lig hiervan en in die lig van die strewe van die skool na die beste moontlike gehalte onderrig vir elke leerder en met in agneming van internasionaal-aanvaarbare norme en standarde in

soortgelyke omstandighede, is **die SBL genoodsaak om die volgende maksimum leerders per klas vas te stel:**

Graad R - 25 per klas
(RA1 - 25; RA2 - 25; RA3 - 25; RE1 - 25; RE2 - 25)=125

Graad 1 - 32 per klas
(1A1 - 32; 1A2 - 32; 1A3 - 32; 1^E1 - 32; 1^E2 - 32)= 160

Graad 2 - 32 per klas
(2A1 - 32; 2A2 - 32; 2A3 - 32; 2^E1 - 32; 2^E2 - 32)= 160

Graad 3 - 32 per klas
(3A1 - 32; 3A2 - 32; 3A3 - 32; 3^E1 - 32; 3^E2 - 32)= 160

Graad 4 - 32 per klas
(4A1 - 32; 4A2 - 32; 4A3 - 32; 4^E1 - 32; 4^E2 - 32)= 160

Graad 5 - 32 per klas
(5A1 - 32; 5A2 - 32; 5A3 - 32; 5^E1 - 32; 5^E2 - 32)= 160

Graad 6 - 32 per klas
(6A1 - 32; 6A2 - 32; 6A3 - 32; 6^E1 - 32; 6^E2 - 32)= 160

Graad 7 - 32 per klas
(7A1 - 32; 7A2 - 32; 7A3 - 32; 7^E1 - 32; 7^E2 - 32)= 160

Uitsonderings moet deur die Prinsipaal na die SBL verwys word vir oorweging en goedkeuring.

Daar is `n maksimum van drie (3) Afrikaanse klasse per graad en `n maksimum van twee (2) Engelse klas wees. In graadgroepe waar die skool 'tydelik' 'n groot klas skei, bv. 2X Engelse-klasse in 'n graad of 3X Afrikaanse klasse in 'n graad, vanweë redes soos dissipline, personeelbestuur, e.a. moet die groep as EEN klas beskou word, aangesien die reëling/skeiding tydelik is en sou logistieke of finansiële of strukturele redes in die loop van 'n jaar die skool noop om die 'kleiner klasse' weer een te maak, moet die getal leerders in die groter klas bestuurbaar en hanteerbaar wees soos per skoolnorme insake klasgroottes. Die Prinsipaal moet sorg dat daar nie in sò 'n geval 'n 'oorvol' klas in die graad is nie.

Hierdie dokument is die Toelatingsbeleid van Laerskool Hendrik Louw, soos goedgekeur deur die Beheerliggaam.

Hierdie dokument moet gelees word saam met alle bepalings van die Grondwet van die Republiek van S.A., sowel as die bepalings van die S.A. Skolewetgewing, Departementele omsendbriewe/ skrywes, sowel as alle ander Hendrik Louw-kennisgewings, wat betrekking het.

Voorsitter SBL

Skoolhoof

Datum: -----

Datum: -----

Ondervoorsitter SBL

Datum: -----

Implementeringsdatum: 01.09.2022